

A OGNI USEL EL SO NIDO XE BEL

Penso: ma varda dove son nata e dove stago. Se vedi che la cicogna la me ga leto nel pensier. E se saria nata in un altro logo, come saria la mia vita?

Chissà! Forse meio o forse peso. De sicuro no poso saver. Me piazzi torziolar, andar in ferie con i mii. Per dir la verità son stada solo in Italia, in Croasia e in Slovenia. Me son trovada ben per duto. Forse perché dove son stada capivo la lingua e le uzanse xe le nostre. Gavaria piaser de andar a torziolon in altri paesi come un mucio de zovani i fa per zvariadi motivi: per studio o per spasio. Insoma, per vedi le belese de sto mondo. Cusì deso solo me imagino come podesi trovar el mio mondo de esplorar, anca perché deso, ala mia età no poso viagiar sola.

Ripenso: perché quando torno a casa de un viaggio me sento contenta, sicura, sodisfada? Me son dada una risposta: come prima roba perché torno nela nostra tera istriana. Tera grigia, timida, gioiosa, bona, fertile, gentile, fatigosa, riposante. L'Istria, podemo dir, che la xe amorosa conseguensa de la sua forma. Forma unica al mondo, a forma de cuor.

Constato: tornada a casa me sento felice come un usel al qual el suo nido ghe xe bel.